



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PP) |
| ● YBhg. KSU | ● Setiausaha Akhbar |

Tarikh: 27 FEBRUARI 2024



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

Price Catcher juga gagal kesan beras tempatan

Oleh **BADRUL HAFIZAN MAT ISA**
badrulisa@mediamulia.com.my

SEREMBAN: Isu ketiadaan beras tempatan di pasaran tidak dapat dinafikan malah aplikasi mudah alih Price Catcher yang dibangunkan oleh Kementerian Perdagangan Dalam Negeri dan Kos Sara Hidup (KPDN) juga didapati tidak lagi mempamerkan perbandingan di antara harga beras tempatan di pasaran.

Pemerhatian *Utusan Malaysia* semalam menerusi aplikasi berkenaan juga mendapati tiada data harga untuk untuk dua jenama beras putih tempatan (SST) diperolehi apabila pencarian dilakukan mengikut kategori bagi seluruh daerah di negeri ini.

Keadaan tersebut bukan hanya berlaku ketika ini, namun sudah berlarutan sejak ketiadaan bekalan beras tempatan pada tahun lalu.

Pengarah KPDN Negeri Sembilan, Muhammad Zahir Mazlan ketika dihubungi turut mengesahkan ketiadaan data perbandingan harga untuk beras tempatan di aplikasi berkenaan.

Menurut beliau, ketiadaan perbandingan harga itu dikesan selepas Pegawai Pemantau Harga KPDN yang ditugaskan mendapati tiada bekalan beras tempatan di pasaran.

Price Catcher adalah aplikasi mudah alih yang memaparkan perbandingan harga lebih 400 barangan keperluan pengguna.

Ia dibangunkan bagi membantu pengguna menjimatkan masa masa dan kos untuk membuat perbandingan harga seterusnya dapat merancang



KETIADAAN beras tempatan di pasaran menimbulkan keresahan kepada orang ramai yang mahu mendapatkan makanan ruji itu pada harga yang lebih murah.

perbelanjaan dengan memilih premis yang menawarkan harga berpatutan.

Antara ciri yang dimiliki aplikasi ini adalah carian mengikut kategori, lokasi atau perkataan, fungsi mengesan lokasi, perbandingan harga berdasarkan item serta pandu arah ke arah premis pilihan.

Sementara itu, Pegawai Komunikasi Persatuan Pelindung Pengguna Negeri Sembilan, A. Vijayakumaran berkata, isu ketiadaan bekalan beras tempatan

tidak boleh dibiarkan berterusan kerana rakyat sudah beberapa bulan mengeluarkan lebih belanja untuk membeli beras import.

"Saya sendiri keliru apa sebenarnya yang berlaku sehingga bekalan beras tempatan tidak mencukupi di pasaran. Jika isunya adalah bekalan, kerajaan mesti berikan tumpuan untuk pastikan bekalan beras tempatan berada di pasaran," katanya.

Baru-baru ini, Pengerusi Majlis Tindakan Sara Hidup Negara (NACCOL), Datuk Syed Abu Huss-

in Hafiz Syed Abdul Fasal berkata, kesukaran menemui beras tempatan berlaku angkara kartel.

Menurut beliau, ada pihak dalam industri beras atau kartel dipercayai cuba mengaut keuntungan daripada beras putih tempatan yang selama ini dijual pada harga RM26.

Bagaimanapun, kata Syed Abu Hussin, disebabkan mahu untung, banyak beras tempatan itu ditukar label menjadi beras import dan dijual sehingga RM40 ke RM45 bagi 10kg.

Jualan Rahmah bantu ringankan beban

JEMPOL- Program Jualan Rahmah *Back To School* Peringkat Negeri Sembilan Tahun 2024 yang berlangsung sejak Jumaat mendapat respons positif daripada masyarakat terutamanya di luar bandar.

Suri rumah, Nora Mek, 50 berkata, dia mempunyai tiga anak berusia 12, 10 dan lapan tahun.

"Kalau di sini selalunya kami masyarakat Orang Asli Kampung Batu Peti akan ke Pasaraya CY di Pekan Rompin sahaja untuk beli keperluan persekolahan anak-anak sebab dekat.

"Tambahan ada pula Jualan

Rahmah, jimatlah perbelanjaan kami," katanya di sini pada Isnin.

Penduduk Dangi, Kuala Pilah, Shaharlina Lokman, 50, turut berbelanja di Pasaraya CY kerana rumahnya ke Pekan Rompin hanya mengambil masa 15 minit.

"Saya ada seorang anak yang bersekolah di Tingkatan Empat dan syukur harga pakaian sekolah melalui Jualan Rahmah amat berpatutan," katanya.

Kementerian Perdagangan Dalam Negeri dan Kos Sara Hidup (KPDN) sebelum ini melancarkan Jualan Rahmah *Back To School* Peringkat Negeri Sembilan Tahun 2024 di Bahau.



Pengurus Pasaraya CY, Tea Keu Chai (kiri) berbual dengan Nora (tengah) yang sedang memilih pakaian sekolah anak-anaknya.

Sindiket seludup 80,000 liter diesel ke Thailand tumpas

Alor Setar: Jabatan Kastam Diraja Malaysia (JKDM) mengagalkan cubaan sindiket menyeludup 80,000 liter diesel ke Thailand dengan menggunakan dua lori tangki menerusi pintu sempadan Kota Putera dekat Durian Burung di negeri ini.

Cubaan itu dibuat dengan melakukan ikrar tidak betul dalam Borang Eksport (Kastam 2) kononnya muatan dibawa adalah bahan api campuran.

Pengarah JKDM Kedah, Nor Izah Abdul Latif, berkata Cawangan Penguatkuasaan JKDM Durian Burung menahan dua lori tangki bernombor pendaftaran tempatan itu dalam Kompleks Imigresen, Kastam, Kuarantin dan Keselamatan (ICQS) Kota Putera, Durian Burung, Padang Terap, pada jam 9.30 pagi pada Sabtu lalu.

Beliau berkata, hasil pemeriksaan awal di lokasi kejadian mendapati, pasukan penguat kuasa menemui muatan disyaki diesel.

"Berikutan itu, kedua-dua lori terbabit disita untuk siasatan lanjut sebelum pemeriksaan terhadap lori pertama mendapati, ia



Pegawai penguat kuasa JKDM Kedah memeriksa lori tangki yang membawa diesel ke Thailand menggunakan borang ikrar tidak betul. (Foto ihsan JKDM)

membawa muatan diesel anggaran 45,000 liter, manakala lori kedua pula membawa muatan 35,000 liter dengan nilai diesel.

"Anggaran diesel berkenaan bernilai RM172,000, manakala nilai kenderaan kes kira-kira RM450,000," katanya dalam ke-

nyataan, semalam.

Dibebaskan jaminan kastam

Nor Izah berkata, kedua-dua pemandu warga tempatan berusia masing-masing 37 dan 48 tahun itu ditahan untuk siasatan sebelum mereka kemudian dibe-

baskan dengan jaminan kastam.

Beliau berkata, bahan api campuran tidak tertakluk kepada lesen eksport dan tiada duit atau cukai.

"Selain itu, mereka cuba mengeburi kastam dan bagi mendapatkan pelepasan terus dengan

cara menambah pewarna hitam ke dalam diesel supaya warnanya menjadi lebih gelap," katanya.

Nor Izah berkata, diesel barangan komoditi yang memerlukan suatu lesen eksport mengikut Perintah Kastam (Larangan Mengenal Eksport) 2017 dalam Jadual 3, Bahagian 1, Item No 36.

"Jika sabit kesalahan, bagi kesalahan pertama denda tidak kurang 10 kali nilai barang atau RM50,000, mana yang lebih tinggi atau penjara tidak lebih lima tahun atau kedua-duanya sekali.

"Bagi kesalahan kedua pula boleh didenda tidak lebih 20 kali nilai barang atau RM100,000 yang mana lebih besar atau penjara tidak lebih daripada tujuh tahun atau kedua-duanya sekali.

"Dimaklumkan diesel adalah barang larangan dan pengeksportan tertakluk kepada lesen eksport yang dikeluarkan Kementerian Perdagangan Dalam Negeri Dan Kos Sara Hidup," katanya.

Katanya, sebarang maklumat boleh disalurkan melalui hotline 1800-888-855 8855 atau pejabat kastam terdekat di semua negeri.

Tambah pewarna hitam dalam minyak diesel

Kastam rampas 80,000 liter diesel, tahan dua pemandu lori tangki

Oleh NURUL HIDAYAH HAMID
ALOR SETAR

Cubaan mengaburi anggota kastam bagi mendapatkan pelepasan terus dengan cara menambah pewarna hitam ke dalam diesel supaya warna minyak tersebut menjadi lebih gelap, tidak berhasil apabila dua buah lori tangki ditahan.

Kedua-dua buah lori itu ditahan ketika melalui Kompleks Imigresen, Kastam, Kuarantin dan Keselamatan (ICQS) Kota Putra, Durian Burung, Kuala Nerang, dekat sini, pada 17 Februari lepas.

Pengarah Kastam Kedah, Nor Izah Abdul Latif berkata, sepasukan pegawai kastam telah menahan dua lori tangki bernombor pendaftaran tempatan kira-kira jam 9.30 pagi dan pemeriksaan awal menemui muatan yang disyaki minyak diesel.

Beliau berkata, kedua-dua buah lori tangki tersebut dibawa ke pejabat Cawangan Penguatkuasaan Durian Burung untuk pemeriksaan



Seorang pegawai kastam melakukan pemeriksaan ke atas lori tangki yang dipercayai muatannya bercampur dengan pewarna hitam.

lanjut.

Menurut beliau, pemeriksaan rapi terhadap lori pertama didapati membawa muatan minyak diesel anggaran 45,000 liter.

"Lori kedua pula bermuatan 35,000 liter dengan nilai diesel dianggarkan sebanyak RM172,000 dan nilai kenderaan kes kira-kira RM450,000.

"Kedua-dua pemandu warganegara Malaysia berusia

antara 37 dan 48 tahun ditahan untuk siasatan dan mereka kemudiannya dilepaskan dengan jaminan kastam," katanya dalam kenyataan pada Isnin.

Beliau memberitahu, selain menggunakan modus operandi menambah pewarna hitam, cubaan lain turut dilakukan untuk mengaburi pihak berkuasa adalah dengan membuat pengiklanan yang tidak betul dalam Borang Eksport (Kastam 2) sebagai *blend stock fuel oil*.

Taktik sindiket seludup 80,000 liter bahan bakar gagal

Campur pewarna hitam dalam diesel

Oleh NORLIDA AKMAR IDROS

ALOR SETAR – Taktik licik sindiket penyeludupan mengikrarkan diesel sebagai bekalan bahan api campuran serta menambah pewarna hitam bagi menampakkan warnanya lebih gelap terbongkar selepas diserbu Jabatan Kastam Diraja Malaysia (JKDM), baru-baru ini.

Pengarah Kastam negeri, Nor Izah Abdul Latiff berkata, sindiket itu cuba menyeludup 80,000 liter diesel dianggarkan bernilai RM172,000 ke Thailand menggunakan dua lori tangki bernombor pendaftaran tempatan.

Menurutnya, pemeriksaan ke atas lori pertama mendapati terdapat muatan diesel dianggarkan

sebanyak 45,000 liter, manakala lori kedua dengan 35,000 liter.

"Dua lori tangki itu ditahan sepasukan pegawai kastam Cawangan Penguatkuasaan Durian Burung di Kompleks Imigresen, Kastam, Kuarantin dan Keselamatan (ICQS) Kota Putra, Durian Burung di Kuala Nerang kira-kira pukul 9.30 pagi pada 17 Februari lalu.

"Hasil pemeriksaan awal di lokasi kejadian, pasukan menemui muatan yang disyaki diesel sebelum kedua-dua lori tersebut dibawa ke Cawangan Penguatkuasaan Durian Burung untuk siasatan lanjut," katanya di sini semalam.

Menurutnya, kedua-dua pemandu warga tempatan berusia 37 dan 48 tahun ditahan untuk

siasatan dan mereka kemudiannya dilepaskan dengan jaminan Kastam.

Beliau berkata, sindiket didapati cuba mengaburi pihak Kastam dengan membuat pengikraran tidak betul dalam Borang Eksport (Kastam 2) sebagai *blend stock fuel oil* atau bahan api campuran.

"Blend stock fuel oil ini tidak tertakluk kepada lesen eksport dan tiada duti atau cukai. Selain itu, sindiket juga menambah pewarna hitam ke dalam diesel supaya warna minyak tersebut menjadi lebih gelap," jelasnya.

Tambahnya, kes disiasat di bawah Seksyen 135(1)(e) Akta Kastam 1967 kerana mengangkut barang tidak berkastam atau barang larangan.



DUA lori tangki membawa muatan diesel ditahan di Kompleks ICQS Kota Putra di Durian Burung, dekat Kuala Nerang pada 17 Februari lalu.

Customs seize 80,000 litres of diesel from two tankers

ALOR SETAR: The Kedah Customs Department seized 80,000 litres of diesel valued at RM172,000 from two tanker lorries at the Kota Putra Immigration, Customs, Quarantine and Security Complex at Durian Burung in Kuala Nerang on Feb 17.

Its director Nor Izah Abdul Latiff said a team from the Durian Burung Enforcement Branch halted the two lorries bearing local registration numbers at 9.30am, Bernama reported.

"Upon inspection, the lorries were found to be carrying 45,000 and 35,000 litres of diesel respectively, with a total value of RM172,000.

"Both lorries, with an estimated value of RM450,000, were also seized. The drivers of the lorries, aged 37 and 48 were 'detained,' she said in a statement yesterday.

Nor Izah said the *modus operandi* of the syndicate was to falsely declare the items carried to avoid detection by Customs officials.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN



UNIT KOMUNIKASI KORPORAT

BERITA ONLINE BERTARIKH 27 FEBRUARI 2024

TARIKH	TAJUK	PAUTAN	MEDIA
27-Feb	Teruskan Jualan Rahmah 'Back To School'	https://www.sinarharian.com.my/article/651438/edisi/melakans/program-jualan-rahmah-back-to-school-perlu-diteruskan	SH
27-Feb	Lelaki ditahan, miliki 1,950kg diesel subsidi	https://www.buletintv3.my/jenayah/lelaki-ditahan-miliki-1950kg-diesel-subsidi/	BULETINTV3
27-Feb	Penyeludup ditahan bersama 1,950kg diesel subsidi	https://www.bharian.com.my/berita/kes/2024/02/1216808/penyeludup-ditahan-bersama-1950kg-diesel-subsidi	BH
27-Feb	Sorok lori bawa diesel seludup dalam ladang kelulut	https://www.kosmo.com.my/2024/02/26/sorok-lori-bawa-diesel-seludup-dalam-ladang-kelulut/	KOSMO
27-Feb	Sorok minyak seludup dalam kebun kelulut	https://www.utusan.com.my/berita/2024/02/sorok-minyak-seludup-dalam-kebun-kelulut/	UM
27-Feb	Cubaan seludup keluar 1,425 liter petrol gagal	https://www.utusanborneo.com.my/2024/02/26/cubaan-seludup-keluar-1425-liter-petrol-gagal	UMBORNEO
27-Feb	Bid to smuggle out petrol foiled	https://www.dailyexpress.com.my/news/229463/bid-to-smuggle-out-petrol-foiled/	DAILYEXPRESS

27-Feb	Kastam tumpaskan sindiket bawa 80,000 liter diesel ke negara jiran	https://www.bharian.com.my/berita/kes/2024/02/1216713/kastam-tumpaskan-sindiket-bawa-80000-liter-diesel-ke-negara-jiran	BH
27-Feb	TINDAKAN KES DIHASILKAN DIBAWAH AKTA KAWALAN BEKALAN 1961	https://www.mkn.gov.my/web/ms/2024/02/26/tindakan-kes-dihasilkan-dibawah-akta-kawalan-bekalan-1961-55/	MKN
27-Feb	Program Madani Rakyat cipta gelombang luar biasa	https://www.sinarharian.com.my/article/651417/berita/nasional/program-madani-rakyat-cipta-gelombang-luar-biasa	SH
27-Feb	El Nino: Selangor bina gudang pastikan bekalan makanan cukup	https://www.suarakeadilan.my/post/el-nino-selangor-bina-gudang-pastikan-bekalan-makanan-cukup	SUARAKEADILAN
27-Feb	SPCAAM persoal tindakan kumpulan perniagaan bantah cadangan wajibkan bonus perayaan kepada pekerja	https://www.dagangnews.com/article/spcaam-persoal-tindakan-kumpulan-perniagaan-bantah-cadangan-wajibkan-bonus-perayaan-kepada-pekerja-35223	DAGANGNEWS
27-Feb	PJR : Penang KPDN plans to organise 960 events this year	https://thesun.my/local_news/pjr-penang-kpdn-plans-to-organise-960-events-this-year-IG12142648	THESUN
27-Feb	Price Catcher juga gagal kesan beras tempatan	https://www.utusan.com.my/nasional/2024/02/price-catcher-juga-gagal-kesan-beras-tempatan/	UM
27-Feb	Lima Kenderaan Disita Dengan Rampasan Diesel, Petrol	https://sumberkini.my/lima-kenderaan-disita-dengan-rampasan-diesel-petrol/	SUMBERKINI